

## PREASSADIEDAHUS

Preassadieđahusdilálašvuotta lea Eanodaga gielddastivrra čoahkkinlanjas d 10.00 álg.

### Eanodaga gieldda rahpá sosiálabálvalusaid fierbmerávvema

Eanodaga gieldda rahpá 21.10. rájes sosiálabálvalusaid fierbmerávvema, mainna buoridit gieldda ássiid gulahallangaskavuodaid sosiálasuorggi áššiin. Dihtora bokte dahpahuvvi šleadggálaš rávvema ja bagadallama bokte gieldda ássit ožžot bálvalusaid ee birgendoarjaga, rávesolbmuid sosiálabarggu, mánaidsuodjalusa ja mánnabearrašiid sosiálabálvalusaid, lámisolbmuid bálvalusaid ja boarrásiidfuolahusa guoskki áššiin. Gažaldagaide vástidit Eanodaga sosiáladoaimma bargit. Rávvema oažžu maiddá sámeillii.

Duogažin bálvalusaid ovddideapmái ledje lassánan šleadgaboasta bokte dahpahuvvan oktavuodaváldimat sosiáladoaimma bargiide. Fierbmerávvema lea maŋŋga dáfus earálágán go dábalaš šleadgaboastaoktavuohta. Fierbmerávvemis áššehaš beassá dihtorfierbmadahkii omd baŋkokoodain ja dat dahpahuvva suddjejuvnon fierbmeoktavuoda siste. Nana diehtosuoji dihte olbmot sáhttet jearrat luhtolaččat rávvagiid maiddá sin persovnnalaš árgabeaivve eallima áššiide ja váttisvuodaide. Virgeolbmot fas sahttet addit jerri persovnnalaš vástadusa ja jearri oažžu mátkedelevodnii dieđu ahte vástadus lea bohtán. Persovnnalaš rávvema ii leat vejolaš oažžut dábalaš šleadgaboasta bokte diehtodorvomearrádusaid geažil.

Maŋŋgat sosiáladoaimma bálvalusat leat vel boahpteáiggis dakkárat, ahte dat gáibidit bargi ja áššehasa deaivvadeami. Áššehasa deaivvadeapmi, persovnnalaš bálvadeapmi ja árbevirolaš áššedikšun leat ain vuodđun bálvalusaide ja lassin daidda heivehit odđa bálvalanvugiid. Vel dál fierbmerávvemaoktavuodain ii sáhte bidjat johtui áššiid, omd sáddet birgendoarjaochamusa. Šleadggálaš ohcan sáhtta leat vejolaš vebaš maŋjeleabbos.

Eanodagas rahpon sosiáladoaimma fierbmerávvema bálvalus lea ráhkaduvvon ovttasbarggus Davvi-Suoma sosiálasuorggi ovddidanguovddažiin ja Mawell Os:iin. Mawell Os lea suopmelaš fitnodat, man ulbmilin lea ovddidit odđa diehtoteknologiijai vuodđuduvvon dearvvašvuoda- ja buresbirgenbálvalusaid. Fierbmerávvema ovddidit boahpteáiggis oassin UULA- odđa bálvalusaid ja doaimmanmáillet sámis- fidnus. Fidnu ulbmilin lea ovddidit sosiála- ja dearvvašvuodasuorggi šleadggálaš bálvalusaid. Fidnu joatkašuvvá jagi 2010 radjai ja dan ruhtadit EO ja gielddat.

Eanodaga gieldda www-siidduin lea liŋka fierbmerávvensiidui.

Lassedieđut:

Sosiálačállli Annikki Kallioniemi,  
Eanodaga gieldda, sosiáladoaimma  
gsm 040 1803 617  
[annikki.kallioniemi@enontekio.fi](mailto:annikki.kallioniemi@enontekio.fi)

Sámegiela ovddideaddji-sosiálabargi  
Anne-Maria Näkkäljärvi  
gsm 040 5326 594  
[anne.nakkalajarvi@enontekio.fi](mailto:anne.nakkalajarvi@enontekio.fi)



Planejaeddji Maarit Pirttijärvi

Davvi-Suoma sosiálasuorggi ovddidanguovddaš/ Sámi doaimmaovttodat  
gsm 040 5440 524 [maarit.pirttijarvi@poskelappi.fi](mailto:maarit.pirttijarvi@poskelappi.fi)

Eanodaga gieldda

Verkkoneuvontaa tuetaan osin Lapin lääninhallituksen myöntämällä EAKR-rahoituksella.

